



Broj: 01/2-05-1167-5/19  
Breza, 07.08.2019. godine

Na osnovu člana 72. stav (3) tačka d), Zakona o javnim nabavkama („Službeni glasnik BiH“, broj 39/14), člana 7. stav (3) Pravilnika o formi garancije za ozbiljnost ponude i izvršenje ugovora („Službeni glasnik BiH“, broj 90/14) i člana 116. Statuta Općina Breza – Prečišćeni tekst („Službeni glasnik Općine Breza“ broj: 8/09), na Preporuku Komisije za javne nabavke (broj 02/1-2-14-1156-10/19 od 05.08.2019. godine) u postupku javne nabavke radova: „Izgradnja saobraćajnice - veza ulica žrtava genocida Srebrenice i R444,“ Općinski načelnik, d o n o s i

**ODLUKU**  
**o DODJELI UGOVORA DRUGORANGIRANOM PONUĐAČU**  
**„Izgradnja saobraćajnice- veza ulica žrtava genocida Srebrenice i R444“**

**Član 1.**

- (1) Prihvata se Preporuka Komisije za javne nabavke (broj 02/1-2-14-1156-10/19 od 05.08.2019. godine) i Ugovor za javnu nabavku: „**Izgradnja saobraćajnice - veza ulica žrtava genocida Srebrenice i R444,**“ dodjeljuje se drugorangiranom ponuđaču „**AME“ d.o.o. Breza**, ponuda (broj 375/19 od 13.06.2019. godine) za ponudenu cijenu od **55.994,00 KM bez PDV-a**, odnosno **65.512,98 KM sa PDV-om**, kao najbolje ocijenjenom ponuđaču.
- (2) Poništava se Odluka o izboru najpovoljnijeg ponuđača „TUZLIĆ“ d.o.o. Breza br. 01/0-05-1167-3/19 od 28.06.2019. godine.

**Član 2.**

- (1) Prijedlog Ugovora o nabavci dostavit će se na potpis izabranom drugorangiranom ponuđaču po isteku roka od 15 (petnaest) dana, računajući od dana kada su svi kvalifikovani ponuđači obaviješteni o izboru najpovoljnije drugorangirane ponude.
- (2) Izabrani drugorangirani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane Ugovornog organa o rezultatima postupka nabavke, a prema tački E. 5). tenderske dokumentacije.
- (3) U slučaju da izabrani drugorangirani ponuđač ne postupi u skladu sa članom 72. stav (3) ZJN, ova Odluka će se poništiti.

**Član 3.**

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu.

#### **Član 4.**

Ova Odluka objavit će se na web-stranici Općine Breza, (www.breza.gov.ba), istovremeno s upućivanjem iste kvalifikovanim ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 5.**

Ova Odluka stupa na snagu danom donošenja i dostavlja se svim kvalifikovanim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **OBRAZLOŽENJE**

Ugovorni organ je aktom br. 01/0-05-1167-3/19 od 28.06.2019. godine donio Odluku o izboru najpovoljnijeg ponuđača „TUZLIĆ“ d.o.o. Breza. Dana 18.07.2019. godine potpisan je Ugovor od strane Ugovornog organa, Općine Breza, broj: 01/2-05-1167-4/19, koji je dana 19.07.2019. godine potpisan od strane Dobavljača „TUZLIĆ“ d.o.o. Breza, broj 221-VII/19. Dobavljač „TUZLIĆ“ d.o.o. Breza je dana 02.08.2019. godine dostavio bankovnu garanciju za dobro izvršenje posla broj: 5082 od 02.08.2019. godine, izdatu od Privredne banke Sarajevo, sa rokom važenja kraćim od zahtijevanog roka važnosti.

U bankovnoj garanciji za dobro izvršenje posla broj 5082, od 02.08.2019. godine stoji da odgovornost prema garanciji ističe dana: 02.11.2019. godine, a Tenderskom dokumentacijom, tačka D) 13) 13.1. , Anksom 6 - Obrazac izjave o dostavi garancije za uredno izvršenje ugovora, Aneksom 9 - Obrazac izjave o garantnom roku, kao i u članu 8. Ugovora o javnoj nabavci radova „Izgradnja saobraćanice – veza ulica žrtava genocida Srebrenice i R444,“ broj: 01/2-05-1167-4/19 od 18.07.2019. godine i Vaš broj: 221-VII/19 od 19.07.2019. godine, jasno stoji rok važnosti garancije: rok izvršenja ugovorenih obaveza + garantni rok + 30 dana.

Dana 05.08.2019. godine izvršen je povrat original bankovne garancije broj 5082 od 02.08.2019. godine, dobavljaču „TUZLIĆ“ d.o.o. Breza

Obrzirom da je ponuđač propustio da dostavi bankovnu garanciju za dobro izvršenje ugovora u skladu sa uslovima iz tenderske dokumentacije, primjenom člana 72. stav (3) tačka d), Zakona o javnim nabavkama, odlučeno je kao u Članu 1. Ove Odluke.

### **POUKA O PRAVNOM LIJEKU**

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

#### **DOSTAVLJENO:**

1x Svim ponuđačima koji su učestvovali u postupku JN

1 x Služba za privredu

1x Služba za finansije, inspekcijske poslove i opću upravu

1x Viši samostalni referent - administrator mreže

1x Evidencija

1x a/a

#### **OPĆINSKI NAČELNIK**

\_\_\_\_\_  
Mr.sci. Munib A.Zaimović